

Ժողովուրդ

27 մարտի չորեքշաբթի 2024
տպագրության ԺԳ տարի

42
(2892)

Թ. Երևան, Արվյան 22ա/3 (0010)

+ 374 10 546423

info.armlur@gmail.com, info.zhoghovurd@gmail.com


100 դրամ

ԻՆՉ ՏԱՐԱԾՔՆԵՐ ԵՆ ԶԻՋՎԵԼՈՒ ՎՐԱՄՏԱՆԻՆ




Հայաստանը պատրաստվում է սահմանազատում իրականացնել ոչ միայն Ադրբեջանի, այլ նաև Վրաստանի հետ: Ռեռ վարդուց էին լուրեր շրջանառվում, որ հայ-վրացական բարձրաստիճան շփումներում Փաշինյանն ակտիվացնում է սահմանազատման-սահմանազման աշխատանքները նաև Վրաստանի հետ՝ նրանց որոշակի տարածքներ զիջելու պատրաստակամությամբ: Խոսքը, մասնավորապես, վերաբերում է ՀՀ-Վրաստան սահմանագոտու Ջիլիգա գյուղին, որը գտնվում է Լոռու մարզի Ալավերդու շրջանում: Երեկ՝ Վրաստանի վարչապետ Իրակլի Կոբախիձեի հետ հանդիպման ժամանակ, Նիկոլ Փաշինյանը կրկին բարձրացրել է սահմանազատման հարցը: «Այսօր գործընկերոջս հետ առիթ էնք ունեցել քննարկել այս համատեղ հոջակագրի գործնական իրագործման ուղղությամբ հնարավոր է անհրաժեշտ քայլերը: Ուզում եմ ընդգծել, որ այդ հոջակագրում էական առանցք է միմյանց տարածքային ամբողջականության եւ ինքնիշխանության անվերապահ ճանաչումը: Այսօր մենք նաև քննարկել ենք Հայաստանի եւ Վրաստանի միջեւ սահմանազատման գործընթացի ակտիվացման հնարավորությունները»,- Վրաստանի վարչապետի հետ հանդիպումից հետո հայտարարել էր նա: «Ժողովուրդ» օրաթերթը վարչապետի մամուլի քարտուղար Նազելի Բաղդասարյանից հետաքրքրվեց՝ մասնավորապես որ հատվածներում պետք է սահմանազատում արվի, արդյոք այն ներառում է նաև Ջիլիգա գյուղը, որ խոսվում է, թե հանձնվելու է: «Վարչապետն իր հայտարարության մեջ ասել է՝ ինչ են քննարկել: Վրաստանի հետ ռազմավարական համագործակցության հոջակագրի թեմայի շուրջ քննարկվել է սահմանազատման թեման: Ընդհանուր քննարկվել է, որ պետք է սահմանազատում լինի վաջապետի հայտարարությունից բացի, դեռ այլ բան չկա»,- ասաց նա: Նշենք, որ Հայաստանն ու Վրաստանը պետական սահմանի սահմանազման եւ սահմանազատման հարցը քննարկում են 1992 թվականից, իսկ 1996-ից երկու երկրների միջեւ գործում են սահմանի դեղին գծի համարակցային հանձնաժողովներ, բայց խիստ պասիվ ռեժիմով են աշխատում:

ՈՐ է կորել «Ճանապարհային դեպարտամենտ»-ը: Իսկ ինչի՞ համար է «Ճանապարհային դեպարտամենտ» հիմնադրամը: Այսպիսով, ՀՀ կառավարության՝ 6 օգոստոսի 2021թ. թիվ 1298-Ա որոշմամբ՝ «Ճանապարհային դեպարտամենտ» պետական ոչ առևտրային կազմակերպությունը վերակազմավորման ձեռով վերակազմակերպվել է «Ճանապարհային դեպարտամենտ» հիմնադրամի: Հիմնադրամի գործունեության հիմնական առարկան եւ նպատակը, ըստ իրենց կայքի, Հայաստանի Հանրապետությունում ճանապարհաշինության ոլորտի ծրագրերի արդյունավետ իրականացման ապահովումն է: Եթե այդպես է, ապա ո՞ր են կորել հիմնադրամի պատասխանատուները, երբ Հայաստանի գլխավոր մայրուղիները մարտ ամսի ձնաքթի պատճառով անանցանելի են: Ինչեւէ, անցնենք այս հիմնադրամի փառահեղ գնումներին: 2023 թվականի հունիսի 23-ին «Ճանապարհային դեպարտամենտ»-ը վերանորոգման աշխատանքներ կատարելու համար 55 մլն 507 հազար դրամ արժողությամբ պայմանագիր է կնքել «ԱԶԱՓՆՅԱԿ ԶՈՆՍԹՐԱԲՇՆ» ՍՊԸ-ի հետ: Պայմանագրով նախատեսվում է վերանորոգել Կառավարության 3-րդ տան առաջին եւ երկրորդ հարկերում «Ճանապարհային դեպարտամենտ» հիմնադրամի հատկացված տարածքները: Վերանորոգման մեջ մտնում են նաև քանդման աշխատանքները, որի համար ծախսվել է 784 հազար դրամ: Վերանորոգման մեջ մտնում են նաև հարդարման աշխատանքները, հատակների վերանորոգումը, արտաքին եւ ներքին վիտրաժներ, բեմահարթակի կառուցման աշխատանքները, ներքին առը ջրի մատակարարման համակարգի եւ ներքին կոյուղու համակարգի վերանորոգումը, էլեկտրատեխնիկական մասի եւ օդափոխության համակարգի վերանորոգումը: Վերանորոգման ընդհանուր ծախսերը կազմել են 54 մլն 541 հազար դրամ, սակայն առաջացած չնախատեսվող ծախսերը կազմել է 965 հազար դրամ, ինչի արդյունքում վերջնարդյունքը կազմել է 55 մլն 507 հազար դրամ: Ծեռքի 2 հարկի համար ծախսվեց 55 մլն, սակայն միջադրամային եւ միջմարզային ճանապարհները վերանորոգելու եւ փոսայցնելու համար՝ 0 դրամ, եւ, սրան գումարած, անորակ ասֆալտ, որը մի կաթիլ ջրից քանդվում է:



Ղատական համակարգում քառը շարունակվում է: 4-րդ դատավորն է ճնշումների արդյունքում ազատման դիմում գրում եւ լքում դատական համակարգը: «Ժողովուրդ» օրաթերթի տեղեկությունների համաձայն՝ դատավոր Անդրանիկ Մաացակախյանը դատավորների ներքին «չաթի» աղմկահարույց գրագրության մասնակիցներից մեկն է եղել, սակայն որեւէ բան չի խոսել, կարծիք չի հայտնել, ընդամենը «լայք» է դրել: Եւ, ահա, «լայք»-ի համար նրան ստիպեցին համակարգը լքել: Ավելին՝ լուրեր կան, որ նրան ճնշել են իր հոր՝ Թալինի նախկին քաղաքապետ Մաացակախյանի ղեմ հարուցված քրեական գործի շրջանակներում: Հիշեցնենք, որ ՀՀ քննչական կոմիտեն 2021 թվականին հայտնել էր. «Համայնքի նախկին ղեկավարը 2012թ. օգոստոսից մինչեւ 2021թ. օգոստոսն ընկած ժամանակահատվածում, առանց լիազոր մարմնի համաձայնության, նախ կազմել է պաշտոնական փաստաթուղթ հանդիսացող որոշումներ, որում կեղծ տեղեկություններ է ներառել համայնքին պատկանող, ՀՀ հողային օրենսգրքով նախատեսված սահմանափակումների ցանկում ընդգրկված հողամասերի վերաբերյալ, այնուհետեւ կազմակերպել է իրականացրել է դրանց օտարումը»: «Ժողովուրդ» օրաթերթը դեռ մարտի 7-ին էր գրել, որ հաջորդ դատավորը, որը աշխատանքից ազատման դիմում կգրի սեփական նախաձեռնությամբ եւ կիեռանա դատական համակարգից, Արագածոտնի մարզի դատավոր Անդրանիկ Մաացակախյանն է: Բանն այն է, որ պատերազմի օրերին դատավորները իրենց ներքին խմբում «չաթում», իշխանությունների հասցեին հայիոյանքներ են գրել, որը վերջին շրջանում դատական համակարգի Հուլայի համարում ստացած դատավոր Մաացակախյանը, ըստ մամուլի, տարել է ներկայացրել է քաղաքական իշխանություններին: **Շարունակությունը՝ ArmLur.am կայքում:**



«Երեան-Կենտրոն» քրեակատարողական հիմնարկը՝ բոլորին հայտնի ԱԱԾ մեկուսարանը, կփակվի: Կոտայքի մարզում «Արվյան» քրեակատարողական հիմնարկի կողքը նոր բանտ է ստեղծվելու: Այս նոր ստեղծվելիք բանտ կտեղափոխվի Նուբարաշեն, Վարդաշեն, Դատապարտյալների հիվանդանոց եւ «Երեան-Կենտրոն» քրեակատարողական հիմնարկների ողջ անձնակազմը՝ դատապարտյալների եւ կալանավորների հետ միասին: «Ժողովուրդ» օրաթերթը արդարադատության նախարար Գրիգոր Մինասյանից հետաքրքրվեց՝ ԱԱԾ մեկուսարանը փակվելու է արդյոք, ինչին ի պատասխան՝ նախարարը հայտնեց՝ նոր ԶԿՀ ստեղծելուց հետո, այո՛, կփակվի:



ԶՐՈՒՅՑ

«ՄԵՆՔ ՊԱՏՐԱՍՏ ԵՆՔ ՆՄԱՆ ԼՈՒԾՈՒՄՆԵՐԻ»

Վարչապետ Նիկոլ Փաշինյանը հարցազրույց է անցրել Kathimerini հունական օրաթերթին, որը ներկայացնում ենք ստորև:

Վարչապետ Միցոտակիսի հետ հանդիպման ընթացքում Ռուբ կարեւորեցիք «Խաղաղության խաչմերուկ» նախագիծը առեւտրային հանգույցի ստեղծման համար, որը պետք է կապի Հայաստանը Միջերկրական ծովի եւ Հունաստանի հետ՝ անցնելով Թուրքիայի տարածքով: Ինչպէ՞ս կարող է այս ծրագիրը նպաստել Կովկասից մինչեւ Միջերկրական ծով տարածաշրջանային կայունության ու անվտանգությանը:



● Բոլոր ենթակառուցվածքները պետք է լինեն երկրների ինքնիշխանության եւ իրավազրույթի ներքո, որոնց տարածքով անցնում են:

● Յուրաքանչյուր երկիր իր տարածքում իր պետական ինստիտուտների միջոցով իրականացնում է սահմանային եւ մաքսային հսկողություն, ինչպես նաեւ ապահովում է անվտանգությունը:

● Նշված ենթակառուցվածքները կարող են օգտագործվել ինչպես միջազգային, այնպես էլ ներքին փոխադրումների համար:

● Բոլոր երկրները միմյանց ենթակառուցվածքներից օգտվում են հավասարության եւ փոխադարձության սկզբունքով:

- Լեռնային Ղարաբաղի վերջին պատերազմը ի ցույց դրեց միջազգային համագործակցության եւ պաշտպանական գործընկերության անհրաժեշտությունը, մասնավորապես՝ Հունաստանի՝ հայ ժողովրդի կողքին լինելով եւ մարդասիրական օգնություն տրամադրելով: Հաշվի առնելով տարածաշրջանային աճող ռիսկերն ու սպառնալիքները՝ ի՞նչ նշանակություն ունի պաշտպանության մասին հուշագիրը, որը ստորագրել էք ձեր գործընկեր երկրի հետ: Այն պաշտպանական տեխնոլոգիաների զարգացման համար ավելի լայն համագործակցության, թե՛ նույնիսկ ընդհանուր պաշտպանական դրկտորիսի ստեղծման մասին է:

- Հայաստանի անկախությունից ի վեր հայ ժողովուրդը մշտապես վայելել է Հունաստանի աջակցությունը: Առիթն օգտագործելով՝ կրկին պետք է երախտագիտություն հայտնենք հույն ժողովրդին եւ Հու-

նաստանի կառավարությանը դժվարին պահերին մեր կողքին լինելու եւ ցուցաբերած օժանդակության համար:

Պաշտպանական ոլորտի համագործակցությունը երկարամյա ավանդույթ էր ունի, իսկ նախորդ տարվա դեկտեմբերին ստորագրվեց երկու կառավարությունների միջեւ Ռազմատեխնիկական համագործակցության վերաբերյալ համաձայնագիրը, որը ենթադրում է փորձի, գիտելիքի փոխանակում, համատեղ նախագծերի զարգացում: Հունաստանի ուսումնական հաստատություններում ուսումնառության հնարավորություն ունեն բազմաթիվ հայ կուրսանտներ. սրանք այս ոլորտում փոխգործակցության միայն մի քանի դրվագներ են: Պարբերաբար անց են կացվում համատեղ զորավարժություններ: Չնայած պաշտպանական ոլորտում գերազանց համագործակցությանը՝ այն զարգացնելու մեծ ներուժ կա: Առաջիկայում, հուսով ենք, համագործակցությունն այս ուղղությամբ կընդլայնվի:

Հարկ է միայնակում ես մեկ անգամ ընդգծել, որ Հայաստանի համագործակցությունը իր գործընկերների հետ պաշտպանական բնագավառում ուղղված չէ որեւէ երկրի դեմ: Հայաստանի պաշտպանական կարողությունների զարգացումը միտված է պաշտպանելու մեր անկախությունը, ինքնիշխանությունը, տարածքային ամբողջականությունը եւ սահմանների անբացելիությունը:

Շարունակությունը կարդացե՛ք ArmLur.am լրատվական կայքում:

Զրույցը Աթանասիոս Կաղիկիդիսը

ԿԻԵՎԸ ՆԵՐԳՐԱՎՎԱԾ Է

Ռուսաստանի Դաշնության ԱԴԾ ղեկավար Ալեքսանդր Բորտնիկովը հայտարարել է, որ «Կրոկուս Սիթի հոլ»-ում տեղի ունեցած ահաբեկչության հետեւում կանգնած են ԱՄՆ-ն, Մեծ Բրիտանիան եւ Ուկրաինան: Նման տվյալներով գերատեսչության ղեկավարը կիսվել է լրագրողների հետ. փոխանցում է TACC-ը:

«Մենք կարծում ենք, որ դա այդպես է»,- ընդգծել է նա՝ պատասխանելով Մոսկվայի մարզում տեղի ունեցած ահաբեկչությանը Լոնդոնի, Վաշինգտոնի եւ Կիեւի մասնակցության մասին հարցին:

Գերատեսչության ղեկավարի խոսքով՝ այս պահին ԱԴԾ-ն ունի ընդհանուր տեղեկություններ եւ զարգացումներ այս հարցում:

ՌԴ Անվտանգության խորհրդի քարտուղար Նիկոլայ Պատրուշեւը հայտնել է, որ Կիեւը ներգրավված է Կրոկուսում տեղի ունեցած ահաբեկչությանը:

ՓՈՓՈԽՈՒԹՅՈՒՆՆԵՐ

ՆԳ նախարարությունը շրջանառության մեջ է դրել «Ոստիկանության կարգապահական կանոնագիրը» օրենքի եւ հարակից օրենքների նախագծերի փաթեթը, որով կսահմանվեն ծառայողների կարգապահության չափանիշները եւ կարգապահական պատասխանատվության կարգավորումները:

ՆԳՆ-ն առաջիկայում կանցկացնի նաեւ նախագծերի փաթեթի հանրային քննարկմանը նվիրված միջոցառում: Շահագրգիռ ֆիզիկական եւ իրավաբանական անձինք նախագծերի փաթեթի վերաբերյալ իրենց դիտողություններն ու առաջարկությունները կարող են թողնել e-draft.am կայքում:

Նախագծերի փաթեթով առաջարկվում է.

- Ոստիկանության եւ Փրկարար ծառայության կարգապահական կանոնադրերում հստակ սահմանել ծառայողների վարքագծի, գործողությունների վերաբերյալ ակնկալիքները,
- կանոնակարգել կարգապահական խախտումների համար ծառայողներին պատասխանատվության ենթարկելու կարգը՝ նախատեսելով խախտման հստակ չափանիշներ,
- կատարելագործել տույժերի եւ խրախուսանքների կիրառման համակարգը,
- սահմանել էթիկայի հանձնաժողովի ձեւավորման եւ գործունեության առանձնահատկությունները,
- ծառայողական քննության անցկացման ճկուն ընթացակարգ սահմանել,
- Ոստիկանությունում եւ Փրկարար ծառայությունում ընդլայնել ղեկավար անձանց շրջանակը, որոնք կկիրառեն համապատասխան խրախուսանքի եւ կարգապահական տույժի տեսակները,
- Ոստիկանության որոշ գործառնությունների իրականացումը ապահովել քաղաքացիական ծառայության պաշտոններ զբաղեցնող անձանց միջոցով:

ՀԱՅԱՍՏԱՆ-ԱՐԳԵՆՏԻՆԱ

ՀԱՆԳԻՊՈՒՄ Է ՈՒՆԵՑԵԼ

Պաշտպանական այցով Բուենոս Այրեսում գտնվող Հայաստանի Հանրապետության արտաքին գործերի նախարար Արարատ Միրզոյանը մարտի 25-ին հանդիպում է ունեցել Արգենտինյան Հանրապետության արտաքին հարաբերությունների, միջազգային առևտրի եւ դաշնամուտքի նախարար Գիանա Մոնդինոյի հետ:

Ինչպես տեղեկանում ենք ՀՀ ԱԳՆ-ի տարածած հաղորդագրությունից, երկուստեք գոհունակությամբ ընդգծվել է երկու երկրների միջեւ առկա քաղաքա-

կան երկխոսության բարձր մակարդակը՝ հիմնված Հայաստանի եւ Արգենտինայի ժողովուրդների միջեւ երկարամյա բարեկամական կապերի վրա: ՀՀ ԱԳ նախարարն ընդգծել է Հարավային Ամերիկայում Արգենտինայի դերը որպես ՀՀ կարեւոր գործընկեր՝ Նշելով, որ դրա պարզ վկայությունն են նաեւ բարձրաստիճան փոխայցելությունները:

Անդրադարձ է կատարվել երկու երկրների դիվանագիտական դպրոցների միջեւ փոխգործակցության հարցերի:

Հայաստանի եւ Արգենտինայի միջեւ առեւտրատնտեսական հարաբերություն-

ների խթանման համատեքստում ընդգծվել է նաեւ ներդրումային ծրագրերի հետագա խրախուսման կարեւորությունը:

Տարածաշրջանային տրանսպորտային եւ տնտեսական կապուղիների ապաշրջափակման համատեքստում Արարատ Միրզոյանը ներկայացրել է ՀՀ կառավարության կողմից մշակված «Խաղաղության խաչմերուկ» ծրագիրը՝ մատնանշելով դրա միջոցով ընձեռվող տնտեսական եւ կապուղիների զարգացման հնարավորությունները, տարածաշրջանում կայունությանը նպաստելու ներուժը:

ԻՐԱՎԻՃԱԿ

ՆԻԿՈՒՄՆԵՐԻ ՆԵՐՎՈՒՄ

ՈՐՆ Է ՓԱՇԻՆՅԱՆԻ ՀՌԵՏՈՐԻԿԱՆ

ԱՋԱԿՑՈՒՄ Է

Միացյալ Նահանգներն աջակցում է Հարավային Կովկասի բոլոր երկրների շարունակական ժողովրդավարական զարգացմանը, ինքնիշխանությանը, անկախությանը և տարածքային ամբողջականությանը...

Ամերիկայի Միացյալ Նահանգների արտաքին քաղաքական գերատեսչությունից նշել են, որ ԱՄՆ-ը ողջունել է ցանկացած բարեխիղճ ներգրավվածություն, որը խաղաղություն է կայունություն է բերում Հարավային Կովկասի երկրներին...

ԹՈՂՆՈՒՄ ԵՆ՝ ՓՈՂ «ԱՇԽԱՏԻ»

Փաստաբան Արսեն Բաբայանը Facebook-ի իր էջում անդրադարձել է ՔՊ-ական պատգամավոր Գագիկ Մելքոնյանի հայտարարություններին:

Նա, մասնավորապես, նշել է. «Մի իշխանական պատգամավոր կա, նախկինների ժամանակ էլ բանակում ամենայնուհետ պաշտոնն էր զբաղեցնում, տարիքն առած մարդ է, գրեթե սպիտակած մազերով, բեղերով ու մեծ քթով...»

Այս պատգամավորն արդեն երկրորդ անգամ է, որ հայկական տարածքի հետ կապված հրապարակային հանգիստ հայտարարում է՝ «...տարածքն աղբբեջանական է, որքան կարելի է ասել: Հո ասելով չի՞, թե հայկական տարածք է»: Ի դեպ, այս պատգամավորը նաև Հայաստանի Հանրապետության անձնագիր ունի:

Մի կողմ թողնենք հոգեբանական մասը, թե ինչպես կարող է հայը նման բան ասել:


Հասկանում եք, թե ինչու է նա հանգիստ այդպիսի հայտարարություններ անում. որովհետև ինքն ունի պաշտոն, որը թույլ է տալիս ծաղկեցնել իր բիզնեսները Հայաստանում և արտասահմանում: Նա ունի որդի, որն ունի պաշտոն և հնարավորություն՝ լուրջ փող աշխատելու:

Այսինքն՝ նա այս ամենը հանգիստ հայտարարում է, քանի որ թողնում են՝ փող «աշխատի»: Այսինքն՝ նրան փող են տալիս, որ հանգիստ ասի, թե հայկական այս տարածքն աղբբեջանական է:

Բա հայրենիք ծախելն էլ ո՞նց է լինում: Հո չպիտի՞ Ալիևի բանկային հաշիվներից ուղիղ փոխանցում արվեր այդ պատգամավորի բանկային հաշիվին...»:

Նիկոլ Փաշինյանը նախորդ երկու-աքթի՝ մարտի 18-ին՝ Տավուշի մարզի Ոսկեղար գյուղի բնակիչների հետ հանդիպմանը, հայտարարել էր, որ, հնարավոր է, մինչև Եւրոպայի վերջ դաստիարակված լինի, եթե հայկական կողմը հրաժարվի Ադրբեջանի հետ բնակչել սահմանագրաման և սահմանագծման հարցերը: Նրա այս հայտարարությունը անորոշություն է անհանգստություն էր առաջացրել սեղացիների մոտ: Պատասխանելով բնակիչներից մեկի հարցին՝ Փաշինյանը հայտարարեց, որ կարելի է հիմա դաշխիճից դուրս գալ ու ասել, որ որեւէ սահմանագրաման և սահմանագծման հարց չի լինելու, բայց դա, ըստ նրա, անհեշտամբ չի մնա: «Դա նշանակում է՝ Եւրոպայի վերջ դաստիարակված է սկսվելու: Հեռու ես գիտեմ՝ ինչ է լինելու դաստիարակված վերջում: Երեւանում, որ մի սեղ իրար սեղանի, դուր ասելու եմ՝ մեծ գյուղացի ժողովուրդ էինք, այդքան ինֆորմացիա չունեինք, բա դու այդքան սեղեկություն չունեի՞ր, բա դու ի՞նչ էիր անում», - ասել էր նա:

ArmLur.am-ը վարչապետի խոսնակ Նազելի Բաղդասարյանից հետաքրքրվել է՝ հաշիվն առնելով վարչապետի այդ հայտարարությունը՝ կարող ենք արդյոք արձանագրել, որ առաջիկայում սահմանային նոր լարվածություն է սպասվում, և Ադրբեջանը պատրաստվում է հերթական սարսափի գնալ մեր սահմանին: Հարցին ի պատասխան՝ Նազելի Բաղդասարյանը հղում արեց Նիկոլ Փաշինյանի՝ ԱԺ-ում հնչեցրած հայտարարություններին. «Վարչապետը ԱԺ-ում կառավարության հետ վերջին հարցուպատասխանի ժամանակ արդեն անդրադարձել է այդ հարցին. ընդդիմադիրներն այդ հարցը տվեցին, վարչապետն էլ պատասխանել է՝ ինչ կոնտեքստում է նման բան ասել», - ասաց Բաղդասարյանը: Իսկ ի՞նչ էր ասել Նիկոլ Փաշինյանը ԱԺ-ում: Կառավարության հետ մարտի 20-ի հարցուպատասխանի ժամանակ «Հայաստան» խմբակցության պատգամավոր Քրիստինե Վարդանյանը, դիմելով Նիկոլ Փաշինյանին, ասել էր. «Նկատել եք, որ Դուք վերջերս Ալիևից ավելի շատ եք սկսել հայ ժողովրդին սպառնալ պատերազմով»:



Փաշինյանն էլ իր հերթին, արձագանքելով պատգամավորի նկատառումներին, որ սպառնում է պատերազմով, ասաց, որ իրենք մեղավոր են նրանում, որ ժողովրդին չեն ներկայացրել ամբողջ իրավիճակը: «Բա ինչի՞ է բանը չէիք ասում, դուք ունեիք տեղեկատվություն, մենք չունեինք տեղեկատվություն, բա ինչի՞ պարտեցի Շուշին: Կամ էր պետք է ասել, կամ հակառակը. ինչ էր լինելու ձեր ռեակցիան, եթե այն ժամանակ առերեսվեիք իրավիճակին: Ընդ որում՝ ինչ ասում եմ, ապացուցելի է: Ի՞նչ պետք է

ասել. պետք է ասել, որ, ժողովուրդ, Լեռնային Ղարաբաղը Ադրբեջանի կազմում կարող է ունենալ ինքնավարություն, ընդ որում՝ այն արձանագրումով, որ դա լինելու է հայ-ադրբեջանական ինքնավարություն: Դա է եղել 2018 թվականի բանակցային բովանդակությունը, և սա ապացուցելի է: Դուք ինձ ասում էիք՝ ինչի ես ասել՝ Արցախը Հայաստան է և վերջ, հիմա ինչի չես ասում՝ Արցախը Հայաստան է և վերջ: Սա է ձեր հռետորիկան», - ասել էր նա:

ՔՐԻՍՏԻՆԱ ՍՈՒՆՇԵՂՅԱՆ

ՕՐՎԱ ԽՃԱՆԿԱՐ ՄՊԱՍՈՒՄ ԵՆ

Սահմանադրական բարեփոխումների մասնագիտական հանձնաժողովի և խորհրդի անդամները սպասում են վարչապետ Նիկոլ Փաշինյանի հետ հանդիպմանը՝ նոր Սահմանադրության անհրաժեշտության վերաբերյալ նրա հայտարարության հետ կապված:

Այս մասին լրագրողների հետ ճեպագրույցում ասաց արդարադատության նախարար Գրիգոր Մինասյանը:

«Մենք ունենք շատ նախնական հայեցակարգ, որն ուղարկել ենք կառավարություն, բայց այդ գործընթացում բոլորս ակնառեստե եղանք, որ վարչապետը հանրային քննարկման բերեց նոր գաղափարներ, և այժմ սպասում ենք վարչապետի և սահմանադրական բարեփոխումների մասնագիտական հանձնաժողովի և խորհրդի անդամների հանդիպմանը, որից հետո արդեն հանրային իրազեկման միջոցով կներկայացնենք, թե արդյոք կլինեն նոր ուղղություններ և փոփոխություններ», - ասաց Մինասյանը:

ԲԱՐԳ ԵՐՁԱՆ

Հայաստանն ու Ռուսաստանը մնում են եղբայրական երկրներ՝ չնայած հարաբերություններում առկա դժվարություններին. այս մասին հայտնում է «ՏԱՍՄ»-ը՝ մեջբերելով Ռուսաստանի Դաշնության նախագահի մամուլի քարտուղար Դմիտրի Պեսկովի խոսքերը:

Նրա կարծիքով՝ Հայաստանը Ռուսաստանի Դաշնության համար «նույնիսկ ավելին է, քան եղբայրական երկիր»՝ չնայած այն հանգամանքին, որ երկու երկրներն այժմ ապրում են «հարաբերությունների բավականին բարդ շրջան»:

Դմիտրի Պեսկովը նաև նշել է, որ «ՌԴ քաղաքացի հանդիսացող հայերի տնտեսական ակտիվությունը դեռևս կազմում է Հայաստանի ընդհանուր բյուջեի շատ մեծ տոկոս»՝ տարեկան մի քանի միլիարդ դոլար:

«Հուսով ենք՝ երեւանում մեր հարաբերությունների զարգացումը շարունակելու քաղաքական կամք կտիրի, և մենք հաջողությամբ կանցնենք այս դժվարին շրջանը», - նշել է Պեսկովը:

ԳՐԱՌՈՒՄ Է ԿԱՏԱՐԵԼ

Վրաստանի վարչապետ Իրակլի Կոբախիձեն Հայաստան կատարած առաջին պաշտոնական այցի շրջանակներում ՀՀ նախագահ Վահագն Խաչատրյանի հետ հանդիպումից հետո կիսվել է իր տպավորություններով՝ մեկնաբանելով, որ քննարկումները նվիրված են եղել հայ և վրաց ժողովուրդների միջև հարատև բարեկամության ամրապնդմանն ու ռազմավարական գործընկերության կարելու դերի ընդգծմանը:

Այս մասին Վրաստանի վարչապետը գրառում է կատարել X-ի իր միկրոբլոգում: «Վերահաստատելով տարածաշրջանում խաղաղության և կայունության խթանման Վրաստանի հանձնառությունը՝ մենք նաև ուսումնասիրեցինք ընդլայնված համագործակցության ուղիները՝ նպատակ ունենալով մեր երկկողմ հարաբերությունները նոր բարձունքների հասցնել ու նպաստել փոխադարձ բարգավաճմանը», - գրել է Կոբախիձեն:

ՀԱՍԱՐԱԿՈՒԹՅՈՒՆ

ՄԱՐԶ

ՀԱՍԱԶԳԵՍ ՉՈՒՆԵՆ

Տավուշի մարզի հջեանի եւ Բերդի տարածաշրջանների անտառներում մեծ թիվ են կազմում ապօրինի հատումները: Վերջերս անտառապահների կոչել են անտառային պարտկեր, սակայն անտառում նրանց տեղաշարժվելու համար ոչ ձի են տվել, ոչ ավտոմեքենա, ոչ համազգեստ, ոչ էլ զենք: Անտառային պարտկերի աշխատավարձը փոքր է, անտառային պարտկերի մեծամասնությունը, համապատասխան կրթություն չունենալով, չի կարող ապօրինի անտառահատումների վերաբերյալ արձանագրություններ կազմել: Անտառային պարտկերը ենթարկվում են տվյալ անտառատնտեսության տնօրենի պահպանության գծով տեղակալին: Անտառային պարտկերի ինստիտուտի ներմուծումը կոչված էր բարելավելու անտառների պահպանությունը, սակայն հջեան եւ Բերդ համայնքներում դա դրական արդյունք չի տվել:

ԳԱՐԵԱՐՈՏԸ ՉԻ ՎԵՐԱՑՎԵԼ

Հջեանի համայնքի Լուսաձոր գյուղի կողքով՝ միջպետական ավտոճանապարհով երթևեկողները զգում են ծանր հոտ, որը Լուսաձորի անասնապահական ֆերմայի եւ նույն տարածքում առկա պանրագործարանի գործունեության հետեանք է: Այդ գարշահոտի վերաբերյալ 12 տարի շարունակ բազմաթիվ բողոքներ ենք ստացել Տավուշի մարզի բնակիչներից, բազմիցս բարձրացրել ենք այդ խնդիրը, սակայն հարցը չի լուծվում: «ՀիմնաՏավուշ» գարգացման հիմնադրամի Լուսաձորի ֆերման ստեղծվել է 2012 թվականին՝ Տավուշի մարզի եւ Ֆրանսիայի Օ-դե-Սեն դեպարտամենտի միջեւ ապակենտրոն համագործակցության շրջանակներում: 2016թ.-ի ամռանը Լուսաձորում ոչնչացրել, հորել են Լուսաձորի պանրագործարանում արտադրված 3.5 տոննա պանիրը: Տավուշի մարզպետ Հայկ Ղալումյանին տեղեկատվական հարցում ենք ուղարկել՝ հարցնելով, թե Տավուշի մարզպետարանին ինչ միջոցներ է ձեռնարկել այդ գարշահոտությունը վերացնելու համար: Մարզպետը ոչ այնքան գրագետ շարադրանքով պատասխանել է. ««ՀիմնաՏավուշ» գարգացման հիմնադրամի Լուսաձորի անասնաֆերմայի եւ պանրագործարանի գործունեության հետեանքով առաջացած գարշահոտությունը կանխելու հարցին տեղեկացնում եմ, որ հիմնադրամը որեւէ ենթակայություն չունի մարզպետի աշխատակազմի, եւ այն հանդիսանում է մասնավոր ընկերություն, սակայն մեր կողմից բազմաթիվ այցելությունների ժամանակ եղել են խստագույն ցուցումներ, որպեսզի ընկերությունը կիրառի համապատասխան միջոցներ գարշահոտությունը չեզոքացնելու համար»:

ՈՍՎԱՆ ՄԱՐԶԱՅԱՆ
Տավուշ

Fly Arna

ՎԵՂԻՆԱԿՈՒԹՅՈՒՆ ՓՉԱՑՆՈՂ ԱՎԻԱՓՈԽԱԴՐՈՂ

ArmLur.am-ը բազմիցս է գրել, որ իսլանդական կողմից վստահություն ունեցող եւ հովանավորյալ «Ֆլայ Արնա» («Fly Arna») ավիաընկերությունը խնդիրների առաջ է կանգնել թե՛ ֆինանսական, թե՛ կազմակերպչական:

ArmLur.am-ը նաեւ գրել էր, որ ավիաընկերության լուծարումը հեռու չէ: Եվ այսպես, 2024 թվականի առաջին ամսին հենց ավարվեց «Ֆլայ Արնա» ավիաընկերության գործունեությունը, եւ դադարեցվեցին թռիչքները: Մինչ թռիչքների դադարեցումը հայկական ավիաընկերությունը, որը հայ-արաբական համագործակցության արդյունքում է ստեղծվել, չվերթեր էր իրականացնում դեպի Իրան եւ Ռուսաստան: Վերջին անգամ ընկերությունը հունվարի 16-ին է թռիչք իրականացրել, այն է՝ Երեւան-Թեհրան-Երեւան չվերթը: Հայաստանի պետական հետաքրքրությունների ֆոնդը (ԱՆԻՖ, ANIF - Armenian National Interests Fund), որի նախագահ Անի Իսախանյանին՝ Էկոնոմիկայի նախկին փոխնախարարին ձերբակալեցին չարաշահումների կասկածով, շատ սերտ կապված է «Ֆլայ Արնա»-ի հետ: Բանն այն է, որ ԱՆԻՖ-ի այն ժամանակվա գործադիր տնօրեն Դավիթ Փափազյանն ու արաբական «Air Arabia» ավիաընկերության գլխավոր գործադիր տնօրեն Ադել Ալ Ալիի միջեւ է կնքվել ավիաընկերություն հիմնելու համաձայնագիրը: ԱՆԻՖ-ը գործում է ՀՀ կառավարության ներքո, իսկ Կառավարությունն իր հերթին այս ծրագրի իրականացման համար ներդրել է 4,5 միլիարդ դրամ: Նիկոլ Փաշինյանը, տեղեկանալով ավիաընկերության անհանդուրժող, անպատասխանատու պահվածքի եւ ուղեւորների, այսպես ասած, «քցել-թռնելու» մասին (այսինքն՝ տոմսերը գնել են, չվերթը չի կայացել, գումարը չի վերադարձվել), որոշել է պատժել եւ հրամայել է լուծարել պետությանը միայն վնաս տվող եւ հեղինակություն փչացնող ավիափոխադրողին: ArmLur.am-ի տեղեկությունների



համաձայն՝ ՀՀ վարչապետի հրամանով մեծ քննարկում է եղել, եւ ստուգայցեր են կատարվել «Ֆլայ Արնա»-ի գլխավոր գրասենյակ: Արձանագրվել է, որ գրասենյակի ամբողջ գույքը, անգամ համակարգիչները, գնվել են ՀՀ կառավարության փոխանցած գումարներով: Ստացվում է, որ «Ֆլայ Արնա»-ն եւ նրան հովանավորող ԱՆԻՖ-ը եւ «Air Arabia» ավիաընկերությունը ոչ մի ծախս չեն կատարել ընկերության համար, գրասենյակը գոյատեւել է միայն կառավարության գումարներով:

Ստացվում է, որ Նիկոլ Փաշինյանը եւս մեկ կոռուպցիոն շրջանակ փորձել է ավելի վաղ թաքցնել, քան այն կբացահայտվեր: Կասկածելի է նաեւ ԱՆԻՖ-ի Հայաստանի պետական հետաքրքրությունների ֆոնդի մասնակցությունը եւ փոխկապակցվածությունը կոռուպցիոն գործերի հետ: ArmLur.am-ը տեղեկացավ, որ «Ֆլայ Արնա»-ի աշխատակիցներից մի քանիսը տեղափոխվել են «Air Arabia» ավիաընկերությունում աշխատանքը շարունակելու: **ԷՄՄԱ ՄԻՔԱՅԵԼՅԱՆ**

ՔՆՆԱՐԿԵԼ ԵՆ

ՀԱՅ-ՎՐԱՅԱԿԱՆ ԿՐԹԱԿԱՆ ԿԱՊԵՐ

Հայաստանի Հանրապետության կրթության, գիտության, մշակույթի եւ սպորտի նախարար ժամանա Անդրեասյանը մարտի 26-ին ընդունել է Վրաստանի կրթության, գիտության եւ երիտասարդության նախարար Գիորգի Ամիլախվարիի գլխավորած դեպուտատների շարքը, որը Հայաստանում է Վրաստանի վարչապետ Իրակլի Կոբախիձեի ղեկավարությամբ:

ՀՀ ԿԳՄՍ նախարարությունից հայտնում են, որ ժամանա Անդրեասյանը կարելի է երկու երկրների միջեւ բարեկամական սերտ համագործակցությունն ու երկկողմ հարաբերությունների շարունակական զարգացումը եւ ընդգծել, որ կրթության, գիտության եւ երիտասարդական քաղաքականության բնագավառներում առկա են համատեղ ծրագրեր իրականացնելու նոր հնարավորություններ:

Այս համատեքստում ժամանա Անդրեասյանը կարելի է նաեւ ԵՊՀ-ում վրացագիտության կենտրոնի բացումը, որը, նախարարի գնահատմամբ, էապես կնպաստի Հայաստանում վրացերենի տարածմանը եւ զարգացմանը: Այս համատեքստում կարելի է նաեւ Թբիլիսիի պետական համալսարանում գործող հայագիտական կենտրոնի գործունեությունը: Վրաստանի կրթության, գիտության եւ երիտասարդության նախարար Գիորգի Ամիլախվարին, շնորհակալություն հայտնելով ջերմ ընդունելության համար, ընդգծել է նախարարությունների մակարդակով սերտ համագործակցությունը, անկասկած, նպաստելու է երկու երկրների միջեւ բարեկամության ամրապնդմանը: Վրաստանի նախարարը պատրաստակամություն է հայտնել շարունակելու համագործակցությունը կրթության, գիտության եւ երիտասարդության բնագավառներում քաղաքականության բնագավառներում համատեղ ծրագրեր իրականացնելու ուղղությամբ:

ՎԳՄՍ նախարար ժամանա Անդրեասյանը շնորհակալություն է հայտնել Վրաստանի կառավարությանը հայերենի ուսուցմամբ հանրային դպրոցներին աջակցելու եւ արդյունավետ համագործակցության համար: Ժամանա Անդրեասյանը տեղեկացրել է, որ 2023 թվականին Վրաստանի կրթության, գիտության եւ երիտասարդության նախարարության կողմից

ներկայացված դասագրքերի պահանջարկի հայտը ՀՀ-ի կողմից ամբողջությամբ կբավարարվի՝ Վրաստանի հայկական դպրոցներին տրամադրելով 27 հազար 470 դասագիրք եւ ուսումնական նյութ: Կողմերը կարելի է նաեւ համատեղ իրականացվող աշխատանքները Վրաստանի հայալեզու դպրոցների հայոց լեզվի եւ գրականության ուսուցիչների մասնագիտական վերապատրաստման, ատեստավորման եւ հավաստագրման գործընթացի շրջանակում: Անդրադառնալով Հայաստանի հանրակրթական դպրոցներում վրացերենի դասավանդմանը ժամանա Անդրեասյանը շեշտել է ՀՀ կառավարության 2021-2026 թվականների գործունեության միջոցառումների ծրագրում հստակ ամրագրված է կրթության տարբեր մակարդակներում տարածաշրջանային լեզուների ուսուցման կարելիությունը: Տարածաշրջանային լեզուների ներդրման շրջանակում ՀՀ 4 դպրոցում իրականացվում է վրացերենի ուսուցում: Հանդիպման ընթացքում քննարկվել են նաեւ երկկողմ հետաքրքրություն ներկայացնող այլ հարցեր:

● Անցած 3 օրվա ընթացքում հանրապետությունում արձանագրվել է ճանապարհատրանսպորտային 28 պատահար. 4 մարդ զոհվել է, 40-ը՝ ստացել տարբեր աստիճանի մարմնական վնասվածքներ:



ԿԱՐԳ

ՀԱՐՑ. Եթե ֆիզիկական անձի իրականացրած գործարհների նկատմամբ կիրառելի է ավելացված արժեքի հարկի շեմը, ապա ինչպե՞ս է որոշվում ԱԱՀ-ի դառնափոխության մեծությունը: Կարեն Մարտիրոսյան (41 տարեկան)



ՊԱՏԱՍԽԱՆ. Կ. Մարտիրոսյանի հարցին ի պատասխան՝ տեղեկացնում ենք՝ անհրաժեշտ է ղեկավարվել «Ավելացված արժեքի հարկի մասին» Հայաստանի Հանրապետության օրենքի 3-րդ հոդվածի դրույթներով, համաձայն որի՝ Նշված գործարքների մասով ավելացված արժեքի հարկի պարտավորության մեծությունը որոշվում է՝

ա. գույքի մատակարարման կամ ծառայության մատուցման գործարքի ընդհանուր հարկվող շրջանառությունից, եթե անձի իրականացրած ապրանքի մատակարարման եւ (կամ) ծառայությունների մատուցման գործարքների ընդհանուր շրջանառությունը նախորդ տարում գերազանցել է ԱԱՀ-ի շեմը,

բ. գույքի մատակարարման կամ ծառայության մատուցման գործարքի ընդհանուր հարկվող շրջանառության եւ ընթացիկ տարվա սկզբից իրականացրած բոլոր գործարքների ընդհանուր հարկվող շրջանառության հանրագումարի ԱԱՀ-ի շեմը գերազանցող գումարից, եթե անձի իրականացրած ապրանքի մատակարարման եւ (կամ) ծառայությունների մատուցման գործարքների ընդհանուր շրջանառությունը նախորդ տարում չի գերազանցել ԱԱՀ-ի շեմը:

Հայաստանի Հանրապետության պետական եկամուտների կոմիտե

«ԺՈՂՎՈՒՐԳ». Նշենք, որ ապրանքների աճուրդային վաճառքի դեպքում աճուրդի կազմակերպչի համար հարկվող շրջանառություն է համարվում վաճառվող ապրանքների սեփականատիրոջ (այլ անձի) կողմից միջնորդավճարի (պարգեւավճարի, տուկոսի եւ այլն) գումարը:

ՓԱՍՏԱԹՂԹԵՐ

ՀԱՐՑ. Ի՞նչ կարգով է մերժվում ապոստիլի վավերացումը: Անի Հարությունյան (30 տարեկան)



ՊԱՏԱՍԽԱՆ. Տեղեկացնում ենք, որ փաստաթղթի վրա ապոստիլ դնելու դիմումը մերժվում է, եթե՝ ա. ներկայացված փաստաթուղթը չի բխում Հայաստանի Հանրապետության օրենսդրության պահանջներից,

բ. փաստաթուղթը ներկայացվել է ՀՀ արդարադատության նախարարի կողմից հաստատված՝ ապոստիլ դնելու կարգով սահմանված պահանջների խախտմամբ,

գ. դիմումում նշված է, որ փաստաթուղթն ուղարկվում է միայն Հաագայի կոնվենցիային չմիացած երկիր,

դ. փաստաթղթում առկա են չհաստատված ջնշումներ, փոփոխություններ կամ սխալներ,

ե. փաստաթղթի վրա ապոստիլ դնելու լիազորությունը նախարարությանը վերապահված չէ:

Նշված հիմքերով փաստաթղթի մերժումը կատարվում է այն նախարարություն մուտք լինելու օրվանից՝ մեկ օրվա ընթացքում: Փաստաթղթի վրա ապոստիլ դնելու դիմումը մերժվում է գրավոր: Դիմումի մերժման մեջ հստակ նշվում է մերժման պատճառներն ու իրավական հիմքերը: ՀՀ արդարադատության նախարարություն

«ԺՈՂՎՈՒՐԳ». Ապոստիլ դնելու դիմումի մերժման դեպքում մերժման պատասխանի հետ միասին դիմողին է վերադարձվում ապոստիլ դնելու համար ներկայացված փաստաթղթի իսկական օրինակը եւ պետական տուրքի վճարման անդորրագիրը: Դիմումի մերժումը օրենքով սահմանված կարգով կարող է բողոքարկվել դատարան:

ԼՈՒՐ ԿԱԴՐ

Լուսանկարը՝ համացանցից



Միլիոնավոր արձաններից միայն Մերիլին Մոնրոյի արձանն է, որ քիչ թե շատ օգտակար է:

ԲԱԺԱՆՈՐԴԱԳՐՈՒԹՅՈՒՆ

Մեր թերթը Բաժանորդագրվելու համար կարող եք դիմել

«Հայմամուլ» ՓԲԸ հեռ. 45-82-00, 45-19-11

«Հայփոստ» ՊՓԲԸ հեռ. 51-45-46, 51-45-47

«Բլից-Մեդիա» ՍՊԸ հեռ. 52-5301

Առաքումը՝ ԱՆՎՃԱՐ:



Ձեզ հետաքրքրող ցանկացած հարցով կարող եք դիմել «Ժողովուրդ» օրաթերթի խմբագրություն (010 54-64-23 հեռախոսահամարով), եւ մենք անպայման կանդրադառանք ձեր բարձրացրած բոլոր խնդիրներին:

ԱՌԱՋԱՐԿ հայկական տպագիր մամուլից

«Ժողովուրդ» օրաթերթին բաժանորդագրվելու համար կարող եք լրացնել հետևյալ բլանկը եւ ուղարկել նշված հասցեով: Ամեն օր թերթը կհասնի ձեր նախընտրելի վայր:

Բաժանորդագրության բլանկ

Անուն՝ _____
Ազգանուն՝ _____
Առաքման հասցե՝ _____
Բջջային եւ/կամ քաղաքային հեռախոս՝ _____

Հեռ.՝ (060) 490049
0023, Արշակունյաց 2, 5-րդ հարկ, 518ս.

ԵՂԱՆԱԿԻ ՏԵՍՈՒԹՅՈՒՆ




Table with weather forecasts for various regions of Armenia, including temperature ranges and moon phases.

Table with weather forecasts for various regions of Armenia, including temperature ranges and moon phases.

Լրատվական գործունեություն իրականացնող՝ «Ժողովուրդ թերթի խմբագրություն» ՍՊԸ
Հասցեն՝ ք. Երեւան, Աբովյան 22՞/3, հեռ.՝ 010 54-64-23
Պետական գրանցման վկայականի համարը՝ 03Ա089086
տրված է 24.11.2010
Ստորագրված է տպագրության 26.3.2024

Գլխավոր խմբագիր՝ ԶՆԱՐ ՄԱՆՈՒԿՅԱՆ

Տպագրված է «ԳԻՆԴ» տպարան ՍՊԸ հրատարակչությունում
խմբագրություն հանձնված նյութերը չեն գրայնաչափում եւ չեն վերադարձվում, Գ նշանով նյութերը գովազդային հրապարակումներ են, որոնց համար խմբագրությունը պատասխանատվություն չի կրում:

«Ժողովուրդ» օրաթերթում հրապարակված նյութերը արտատպելիս կամ ընթացիկ մեջբերումներ անելիս պետք է պարտադիր գրառել հետևյալ նախադասությունը. «Շարունակությունը կարող էք կարդալ «Ժողովուրդ» օրաթերթի այսօրվա համարում»: